

Das dreissigste Capitel.  
Vonder Hirsch Brunfft.

**D**ie Hirsch fahen an in die Brunfft zu treten umb den halbē Sep-  
tember/ vnd währet einen Monat/ vnd je älter sie seyn / je hitziger vnd begieriger  
sie auch auff das Wild werden. Vnd ist wunderbarlich zu hören/ daß das Wild  
die älteste Hirsch am liebsten hat/ In welchem sie nicht mit den Weibern zustims-  
men/ noch zu vergleichen/ Vnd seyn die alten Hirsch so hitzig vnd neidisch/ daß  
die Spishirsch nicht ehe sich hinzu nahen dörfen/ es sey denn daß sie in ihrer  
Brunfft sich gnugsam ersättiget haben.

Es stecket aber in den jungen hingegen ein andere Tück vnd Arglistigkeit / denn wo sie die al-  
ten in der Brunfft müd/ vñ ganz vnd gar abgemattet sehē / so lauffen sie auff sie dar/ kämpffen mit  
inen/ vnd wo möglich/ erlegen vnd treiben sie die vom Plas hinweg / Vñ wenn mangel am Wild  
zur zeit der Brunfft ist/ werden viel mehr Hirsch erlegt/ denn wenn ihr ein gute anzahl vorhanden/  
Wo jr viel seyn/ theilen sie sich hin vnd wider auß/ vnd findet ein jeder seiner Brunfft ein genügen.  
Es ist sehr lustig vnd lieblich zu sehen/ wenn sie in solchem brünfftigem Berck seyn/ denn so bald sie  
des Wilds anliebender Natur vnd Brunfft empfinden/ werffen sie den Kopff in die höhe/ sehen  
auff gen Himmel/ als wolten sie der Natur / welche inen solchen lust gegeben vnd mitgetheilt/ dafür  
danckbar seyn. Ein grosser vnd alter Hirsch hat in solcher Brunfft wol achtung auff sich/ wendet  
den Kopff hin vnd wider vnd schawet auff/ damit ihm kein anderer eintrag thue / oder aber schaden  
zufüge/ Wo solches die jungen Hirsch/ so den Alten an größe vnd stärke nicht gleichmässig / erse-  
hen/ fürchten sie sich/ vnd lauffen darvon / wenn aber ein ander gleicher größe vnd stärke vorhans-  
den/ fahen sie alle beyde an zu schreyen/ vnd mit den Füßen auff der Erden zu scharrē/ mit irem Ges-  
hörn zusamen vnd wider einander zu lauffen vnd stoßen/ daß man solch prahlen/ zu hauff stoßen/ eis-  
nen guten ziemlichen Weg hören mag/ vnd welcher also obliegt / vnd den andern überwind vnd ein-  
treibet/ derselbige behelt den Plas/ vñ jaget den andern hinweg/ das Wild aber weicht keinen tritt/  
hört demselbigen zu / vnd hat darab grossen lust / freud vnd wolgefallen / Der jenige aber / so den  
Plas erhalten/ ist sehr frölich/ schreyet vnd springet mit vollem lauff auff das Wild / fast hitzig zu/  
gibt jr aber ober drey oder vier stoß nit/ dabey bleibts/ Auff solche zeit vñ gelegenheit/ seyn die Hirsch  
leichtlich zu fällen vnd zu erlegen/ denn sie hin vnd wider die Weg lauffen / so das Wild geloffen/  
vnd sich also selbst verrathen/ Der Hirsch hat ganz vnd gar kein acht auff sich/ allein das Wild ihn  
zu warnen pflegt. Sie gehen in solcher tollen Brunfft tag vnd nacht/ vnd essen sich sehr wenig. Der  
fahrt vnd den Weg nach so das Wild gelauffen ist/ folgen sie allezeit nach/ vnd so sich ässen/ neümen  
sie die rohten Hirschschwammen zu sich/ welche sie zur Brunfft treiben / Sie seyn auff solche zeit in  
so grosser hitziger Brunst/ daß sie wo sie nur Wasser antreffen mögen / sich in demselbigen zu kühl-  
len pflegen/ Die alten Hirsch kenneet man an ihrem schreyen / denn je gröber vnd brummender die  
Stimm ist/ je älter auch der Hirsch geachtet wirt/ daher auch zu erkennen / ob sie gejagt seyn/ denn

DDD

wenn